

# JAMBORI

EWRO MENYWOD CYMRU  
WALES' WOMEN'S EURO SINGALONG

## 2025



## DWI'N GYMRO, DWI'N GYMRAES

Mae 'na Ddwyrain, mae 'na Orllewin  
Mae 'na Ogledd ac mae 'na Dde;  
Mae mynyddoedd a dyffrynnoedd  
Yn codi a disgyn dros y lle.  
Mae 'na lynnoedd ac mae 'na afonydd,  
Mae 'na draethau aur ger y môr,  
Pentrefi a dinasoedd,  
Canwn yn un côr...

**Dwi'n Gymro, dwi'n Gymraes,  
A dyma fi yn codi fy llais.  
Dwi'n Gymro, dwi'n Gymraes,  
Dwi'n caru fy ngwlad, dwi'n caru fy iaith!**

Mae 'na hanes, ac mae 'na chwedlau,  
Mae 'na arwyr di bendraw,  
Mae 'na groeso ar bob aelwyd  
Mae pawb yn mynnu estyn llaw.  
Ac mae'n rhaid i ni ei thrysori,  
Rhoddwyd hon i ti ac i mi,  
Fe'i carwn a'i gwarchodwn,  
Cenwch gyda ni...

**Dwi'n Gymro, dwi'n Gymraes,  
A dyma fi yn codi fy llais.  
Dwi'n Gymro, dwi'n Gymraes,  
Dwi'n caru fy ngwlad, dwi'n caru fy iaith!**

Cymru!  
Gwaeddwch i bendraw'r byd!  
Cymru!  
Gwaeddwch bawb ynghyd!

**Dwi'n Gymro, dwi'n Gymraes,  
A dyma fi yn codi fy llais.  
Dwi'n Gymro, dwi'n Gymraes,  
Dwi'n caru fy ngwlad, dwi'n caru fy iaith!**

